



Broj: 18.19-50-204-2/15  
Datum: 06.04.2015. godine

**UNIVERZITET U ISTOČNOM SARAJEVU**  
**Vuka Karadžića broj 30**  
**Istočno Sarajevo**  
**n/r rektor Univerziteta**

**PREDMET:** Obavještenje, dostavlja se,-

Poštovani,

Služba za poslove sa strancima BiH je nadležna za postupanje prema stranim državljanima, kako po zahtjevu stranaka, tako i po službenoj dužnosti. Shodno odredbama Zakona o kretanju i boravku stranaca i azilu („Službeni glasnik BiH“ br. 36/08 i 87/12) strani državljani koji se obrazuju na obrazovnim institucijama u BiH, dužni su regulisati privremeni boravak u Bosni i Hercegovini.

Eventualni boravak nakon isteka prava na bezvizni boravak, isteka perioda trajanja vize ili boravak nakon proteka roka odobrenog privremenog boravka smatra se ilegalnim boravkom, te je u tom smislu Služba za poslove sa strancima dužna postupiti po službenoj dužnosti prema stranom državljaninu i izreći mjeru protjerivanja ili, cijeneći humanitarne razloge i interes BiH, izdati nalog za dobrovoljno napuštanje teritorije BiH.

S tim u vezi, želimo da Vam ukažemo na činjenicu, da veliki broj studenata stranih državljana Univerziteta u Istočnom Sarajevu, još uvijek nije regulisao privremeni boravak u BiH, te su takvim postupanjem prekršili odredbe Zakona o kretanju i boravku stranaca i azilu. U ranijem periodu, cijeneći upravo humanitarne razloge i interes BiH, studentima stranim državljanima koji su ostali na teritoriji BiH nakon isteka vize, bezviznog ili odobrenog boravka, umjesto mjere protjerivanja izdavani su nalozi za dobrovoljno napuštanje teritorije BiH. Na taj način, nije im bio zabranjen ulazak i boravak na teritoriji BiH, čime im je ostavljena mogućnost povratka u BiH i nastavka studiranja, te regulisanja privremenog boravka po osnovu obrazovanja, što svakako nije omogućeno prilikom izricanja mjere protjerivanja.

Ovakva postupanja studenata stranih državljana ubuduće neće biti tolerisana, te će onima koji ostanu u BiH nakon isteka roka važenja vize ili odobrenja boravka ili nakon proteka vremena važenja prava na bezvizni boravak, biti izricane mjere predviđene Zakonom o kretanju i boravku stranaca, tj. protjerivanje sa zabranom ulaska i boravka u BiH u određenom vremenskom periodu koji ne može biti kraći od jedne ni duži od pet godina, što je i zakonska obaveza.

S poštovanjem,

**Dostaviti:**

- naslovu
- a/a

